

## Weihnachten 25.12.2013

### **Nach 40 Joor do in Flüh**

hänn mir`s verdient, wie no nie,  
dass au vor unserer Kirche, das isch toll  
e Wienachtsbaum stoht wundervoll!  
Bim ligang zur Kirche, au nüt Neu`s  
am Wienachtsmorge d Türe klemmt bi eus!

Aber denn die grossi Ueberraschig bim Baum!  
E wunderschöni Krippe , s isch e Traum.  
Obwohl die Alti uns het lang begleitet  
und mängem Kind und uns viel Freud bereitet.  
So sin die Figure mit uns in d`Joore cho  
und Glorinda het uns ganz eifach ihri mitgno.  
Mit viel Arbet, Geduld und Fantasi het`s chönne glinge  
die Figure in unseri Kirche z`bringe.  
D`Renovation vom Dach isch au fertig und glunge,  
hoffentlich griegts das Kind nid uf dr Lunge.  
Bi däm Wind wärs no möglich in däm Raum  
trotz neuer Isolierig me glaubts jo chuum.  
Villicht het me do öppis verwächslet und gmeint  
**„Der Wind , der Wind das himmlische Kind“**  
sig mit däre Kirche vereint.  
Die Verantwortliche hänn aber guet gschafft  
und hoffe, dass jetzt gar kei Loch me klafft.

Dr Wienachtsgottesdiensch isch ganz speziell,  
alli sind parat und iigsunge zur Stell!  
Zur Eröffnig sin mir bereit wie e Wecker  
und singe **Vom Himmel hoch vom Albert Becker**  
E Modette mit Instrumänt, Orgele und Gsang  
Es isch e Herusforderig und e schöne ligang.

Nach dr Begriessig , **und Lied 408** ,  
isch au dr letscht Gattersdienschtsucher verwacht.

Es wird still dr Armin Mettler bättet zum Lieb Gott  
Jede vo uns cha mitbätte wie är wott.  
D`Läsig us Jesaja,s` **Lied 370 + Stille Nacht** mit dr Gmeind.  
Bi däm schöne Lied sin alli vereint.

D`Wienachtsbotschaft us Lukas, vom Joseph und sinere Sippe  
vo de Ängel, de Hirte, Maria und s`Kind in dr Krippe .

Denn d`Predigt wie immer guet rescherschiert  
und vom Armin ganz perfekt präsentiert.

**Zwüschemusig vom Vincent an dr Orgele**  
**Cantique de Racine vom Gabriel Fauré**  
von däre Sorte wötti no mee.

**Fürbitte und Lied 199 mit dr Gmeind.**  
Vili Bitte und Wünsch sin dodrin vereint.

**S`306 Heilig bist du grosser Gott.**  
s Obemohl für jede wo das wott.  
Mit em no alte goldige Gschirr.  
Nid vo dr Kirche, nei vo mir,  
seid dr Armin ganz bestimmt,  
bevor är am 26.1.s`Neue nimmt.

**S Unser Vater** und alli sin derbi,  
**nach em 323 Lied** git`s denn dr Wii.

Denn **s Halleluja im o du fröhliche** ..vom Chor gsunge,  
und d Verwirrig im Gmeidsfgang isch uns glunge

Nach em Dankgebätt **und Lied 402**,  
göhn mir denn alli ganz zfriede hei.  
Vorhär no **s Lied 385** und **mir sin froh**  
und singe s Lied vom Kindli uf em Stroh

**Singet dem Herrn ein neues Lied als** Schlussgsang  
**vom Camille Sain-Saens uf Italiänisch** als Usgang

Sogar mit Applaus das isch sälte in dr Kirche do -  
und mir chönne mit Stolz dä Ort verloht!

E schöne Schluss und e tolls Lied das isch woor.  
Alli hänn s Beschte gä vom unserem Chor,  
Au alli an de Instrumänt hänn sich fascht übernoh.  
Bsunders dr Martin het sini Solo woorgno.

Mit em Säge und de guete Wienachtswünsch göh mir hei  
und hoffe, es sig niemer ganz elei.

Viele Dank au em Armin für sini Wort,  
hoffentlich im neue Joor an däm Ort!

Zum bessere Verständnis nomol alli Lieder im Ueberblick  
**Gemeindelieder aus dem Gesangsbuch :**

Nr. 408 Dies ist der Tag den Gott gemacht

Nr. 370 Tochter Zion freue dich

Nr. 412 Stille Nacht

Nr. 199 Herr erbarm dich unser

Nr. 306 Heilig bist du grosser Gott

Nr. 323 Komm, sag es allen weiter

Nr. 409 O du fröhliche . . .

Nr. 402 Ich steh an deiner Krippe hier

Nr. 385 Nun singet und seid froh

**Chorlieder**

**Weihnachtmodette mit Choral „vom Himmel hoch,,**

**Text Martin Luther 1535**

**Musik Albert Becker 1834-1899**

Sizillanische Volksweise **Halleluja Schluss-Interpretation in**  
**der 3. Strophe O du fröhliche ..**

**Schlusslied: Tollite hostias Schlusschor aus Oratorio de**  
**Noel op . 12 Camille Saint-Saens 1835-1921**

E guete Rutsch ins 2014 wünscht Sonja Waldner